

四庫全書

集部

欽定四庫全書

御製詩三集卷十二

古今體一百十五首

辛巳四

三月朔日

境益陽和地

五臺在太行山陰地極冷  
茲入直隸境日益向陽

春滋淡薄時綠

煙柳條重紅雨杏花披忽過清明節行吟上巳詩川原

含潤意北直罕逢斯

山村二首

山村野叟跼途隅寂是常言寂慰吾百歲不知兵革事  
鑿耕老幼樂于予

養老牌懸衣著黃

民年八十以上蒙恩詔賞賜者例著黃衣接駕並命內府製養老銀牌隨

路賞給示異數也

泥鑪門首炷名香取誠敬耳無他論益切吾

心懷保方

甘肅巡撫明德奏報得雪

二月十九雪數千里而遙偏南則霑雨齊豫歌渥饒近  
北雨繼雪盈寸旋亦消甘撫今奏至同日六花飄西北

遶寒地本無秋麥苗此澤利春耕深慰吾望耜

天恩何修得乾惕勵旰宵

水竇巖二絕句

東坡兩字倡浮休既解云休更底浮輪却水巖曾不語  
巖常住即水常流

巖色水聲卒未休見聞寂即對如浮雲遶騁望坡仙峽  
許小乘中第一流

阜平道中杏花三首

去時寒蕊始含苞迴省新英綻樹梢萬物形形還色色  
不須觀象注義爻

隴首連林葩吐榮澹煙微雨過清明得教撲鼻香風拂  
便擬靈巖山下行

詎必北方杏不嘉開時常是溷塵沙今春雨露真滋潤  
請省於梅可大差

射

三藝重朝家身先語足嘉羣觀各知勗連中詎堪誇湯

擬聊消暇因之早定遐文恬永為戒

天貺荷無涯

望柏巖山

獨行數息底為奇兩句三年巧太遲  
欲問浪仙誠例此一生能得幾章詩

虬枝雖瘦有精神詩品居然為去聲  
寫真當日不逢韓吏部祇今誰識柏巖人

箕山詠古

不受斯已耳恥逃失過清重華實受之何礙元德升武  
仲自高人龍門傳矯情封墓配五嶽放勳千載稱表德  
如是足不聞蒲輪徵後世謬效古廼有充隱名

魃魃村

古村經魃魃綠繞柳煙新過雨犁驅牯引泉塍灌鱗百  
家有長者三代即斯民比戶香花接羽林不許嗔

上巳

袞惡迎祥日輕煙澹靄時行程無裨事應節有新詩依

郭花光重連郊麥色滋趯臺脩凱宴忽作隔年思

去歲上巳

宴凱旋將士於羸臺

### 王陵城

唐河岸側沛人城被困白登趣援兵開創猶餘百戰將  
獨聞奇計出陳平

安徽巡撫常鈞奏報二月初九日得雨詩以紀事

雨霑齊豫已為遙

見前詩

何幸安徽亦是朝麥菜定資抽

宿穎黍杭適可佈新苗奏書囊厚應知喜計里車驅那



覺迨稠疊

天恩今歲沐預占

慈慶介禧饒

至正定府駐蹕

春巡重此駐東垣疆政民風歷省存二黼黻殫稍養給  
十年生聚益滋繁迤西屏障圍恒麓直北共球拱薊門  
高閣佛香應降祉南山祝

壽奉金根

正定隆興寺禮大佛疊舊作韻

無量壽如是我聞壽超一切兩足尊觀音是佛觀察智

是寺大佛實觀世音菩薩像也

大士願力稱普門曰一即二墮聖見不

如泯念禮法雲

慈寧今歲開七袞延

釐虔奉大安輪五臺謁曷殊室利如山如阜齊高旻寶  
螺梵鼓已朗朗嵩呼華祝猶紘紘歲事和鈴指鉅鹿晉  
山燕水行行分郡城至止駐翠輦分野昂畢月建辰離

宮瀟灑鹿苑側松窓綈几堪怡神處分幾務有餘暇問  
安

萱妃康强身扶持瞻禮愜

懿願云同不可況異云箕子九疇猶有數數無量逾恒  
沙塵以此介

壽合天下寧辭遠勞扈衛軍徘徊散步閱古蹟隋唐碑  
碣前墀存却笑吾仍執名象幾曾佛法窺其真長歌一

再疊賡韻

丙寅西巡過此為長歌庚午巡幸中州復禮大佛曾疊其韻今則再疊矣 嘒嘒詎

非逞辯論信宿明當返京國即今轉瞬還成陳勝地少  
延固亦可恐妨耕稼時當春

正定行宮再疊舊作韻

詩仍賡舊韻

丙寅初作庚午已一疊韻

春恰值今年彈指視來去無

心問業緣聽經鶴雙下覓宿鳥相憐此際懷何託勤民  
即契禪

閱兵

可百年不用當三春閱之亦稱貔及虎皆識鼓和旗在

事賞胥遍加恩旌獨奇狩巡茲正務豈為恣遊嬉

登廣惠寺塔

別致從奇花塔稱廡廊那泥

去聲

十三層鴈王不異真如

性象教恒標竅上乘歷歷隋唐一彈指依依風月兩良朋  
竭然題句竭然去付與初非識字僧

閱滹沱河言懷

丙寅冬臨茲艾棣籌防水庚午稍移南渡時為之喜

庚午

巡豫曾渡此河

今去城更遠計之以數里混流本無定讓地任

其徙隄不過衛城所幸乃在此黃河及渾河何不亦若是實又不可行無策愁曷已

曉行一首示直隸總督方觀承及其屬吏

曉行露濡麥野甸清無塵翻犁或未種聊問彼農民答言土尚乾雨方佈種均吁嗟有是哉不知苗碩真今春而謂旱良心乃何存猶然雨我田

皇天其實仁感此博施膏弗因一愚屯惰農不甞作周書已具云勸飭在有司莫孤吾諭諄其或力不足資助

仍宜頻

雨

三月初七日

啟駕恒山曉尚晴  
滋溪卓午蔚英英  
雨佳不雨誠何礙  
未免因之望又生

行營駐蹕雲容重  
霖霖纔霏勢旋加  
過未歷申踈復密  
響聽布帳正清嘉

紅桃綠柳沐醺醺  
今歲春光迴出奇  
篇幅已多圖輟筆  
庚午西巡詩數倍  
丙寅而羨今來檢  
所得稿則旬初已  
溢於庚午前作催  
詩一調可謝不虛  
而旋蹕計日尚贏

正恐復  
難已已

天公好雨又催詩

靈臺未柰一旬節方伯早稱三寸滋嗟爾農人需渥澤

不勤耕作更何辭

昨偶見已稗耒種之畝詢之農人  
猶云待雨故有不知苗碩真之句

雲雲入夕益飄蕭添得微涼天沈寥大野雲低難燭早

旃廬欹枕聽清宵

雖云泥濘却無塵潤浥芳菲最好春歌舞農夫喜行路

阿誰不是簞飧人



既優既渥既霑足誠感誠欣誠惕乾久讀虞書明損益  
不欺人我敢欺

天

定州道中作

半夜雨纔晴朝暎馬上迎輕煙依樹斂濃露浥竿萌歷  
歲希逢澤大田都可耕春光鋪沃野歡喜自民情

衆春園襍詠疊舊作韻

前度十年庚午冬一彈指頃此重逢衆春雨後春光好

却愛蒼蒼百尺松

不作金椎和世光  
隱於屠酒且徜徉

二句用東坡詩語

坡翁詠

古惟形已便  
閱葆祠過步廊

措天下安不動  
顏聲詩名付水雲  
間祗應並坐忘  
年友

尸祝千秋穩  
泰山

迤邐恒山北  
障圍一卷何幸得  
天機刻盆七字無  
多子

叫絕長吟興欲飛

青郊好雨一犁新  
樹色花光總艷春  
小憩芳園為農喜

片時得作覓題人

雪浪石仍疊蘇軾韻

實所勝斯名所屯暫以屈亦久以尊此翁此石有如是  
逢時辨底明與昏重来燕南趙北界了識明月清風村  
韓園修葺復舊觀

後人移石置園中有亭覆之

兩行垂柳青遮門松

軒瀟落可信宿牆外祠妥雙賢魂駐罕諸務則且置便  
撫亭下青雲根歸然古貌故好在雪浪有號原無痕連  
茲蓋已六賡韻

丙寅冬西巡過此曾再疊東坡韻繼命張若靄董邦達各繪為圖又兩疊韻題

之庚午秋駐此復疊  
其韻至今凡六疊矣  
前席如共髯仙論孰謂中郎不可  
得寧非對者石與盆七百餘年一瞬耳奚稱前詠碑間  
存

疊蘇軾刻盆石詩韻

形而下者皆子孫何不歸一返厥原以水承石沃水翻  
坡翁游戲至理存後人乃謂雪在盆孰得其膚孰得根  
我來閱古偶復言所喜時雨歌元元

題雪浪齋

韓蘇蹟本不同處移彼就茲由後人我復題齋曰雪浪  
率因撫石企先民當春郊景望無盡過雨花光覺有神  
今日偶來明便去一卷聊識去來因

京師奏報得雨

間日閣章至京畿雨被咸如斯沐

天澤益切顧民暑即景欣既渥沿途課載芟實欽惠我  
厚敢謂感

神誠

方順橋

一條古路兩旁溪萬樹輕楊十里齊  
方順橋頭迴望處  
祇疑行過武林西

至保定臨漪亭行宮駐蹕

臨漪就古蹟  
憩輦構新堂  
書閣鳴霜接  
府志鳴霜樓在城內  
花宮

靈雨旁  
在靈雨寺側  
寧惟容膝務敬念治民方  
今歲春耕好

因之慰入疆

靈雨寺

下馬先瞻禮  
今春雨實靈  
淨標蓮葉白  
嘉祐麥苗青  
古樹當庭直  
天花滿座馨  
行齋依綠水  
信宿合教停

舫室

舫室如浮座  
俯河意欣共  
不盡煙波米  
家津逮稱書畫  
畫格書程兩遜他

幸蓮池書院疊舊作韻

蓮池古名蹟  
志乘艷扶輿  
葺新在後人  
難言此不須綴  
景旣無盡拓  
地頗有餘因  
迴得高樓疏  
下為明湖所志

在菁莪寧云狎鷗鳬五臺祝

釐返取道保陽俱郡城斯蒞止聊以憩車徒方伯請我  
臨興賢其宜乎結構較前麗藻井倒植導賈輔與郝經  
曾此貽前模池蓮則尚未涿水立閒鋤浴沂風舞雩意  
趣了弗殊所願經學昌蔚蒸濟世儒

賦得濂溪樂處

得鮮字八韻  
試蓮池書院士子題

養士期真士在蓮惟說蓮埴埴由茂叔光霽溯伊川是  
地闢書院明時育國賢盛名難副耳樂處可思焉必有



中通質寧誇貌飾妍亭亭常淨植濯濯自澄鮮澡浴芳  
型近含咀雅化宣水華時尚早寄意賦斯篇

題蓮池書院十二景

春午坡

菁莪雅化闢蓮池秀障當門春午披湯愛牡丹花富貴  
瀛溪愛處正宜思

萬卷樓

郝經賈輔蹟猶著九等五車事匪奇洛爾於中枕昨者

尊聞要在勉行知

花南研北草堂

別有平臺宛轉廊  
緋桃絲柳艷韶光  
若云不羨清幽好  
何必顏堂曰草堂

高芬閣

延樓連屬貯

義文相映果愚瑞  
色氤那更名言藉  
司馬早應此閣號  
高芬

宛虹亭

垂虹宛宛跨隄濱一笠橫空與半分却是清波無我見  
亭橋入影總沄沄

鶴柴

祇宜古柏堪為柴也許潛魚可結鄰不必禽經徵故事  
九皋深意緬風人

蕊幢精舍

此蓮池匪彼蓮池綴景聊觀精舍奇若論顧名思正義

歲經應效郝經為

藻泳樓

波漾風行鏡裏披青蒲白芷畫中倚朱闌小凭知魚樂  
正是濠梁春水時

繹堂

繹堂小坐繹然思六藝原應無執之設使工夫艱並及  
不妨力守一經為

寒綠軒

無礙歲寒曰有筠春來綠色又從新池中埭上皆君子  
舍此應為何等人

篇留洞

牝谷含虛逕轉幽雲凝疑是乳鍾流笑予詩句非坡也  
一例鐫崖七字留

含滄亭

曲峽盈科就下行泠泠落落若琴鳴助哉負笈來遊者  
宜味滄浪之水清

啟蹕保定之作

保陽晨已傳清蹕趙北明當試水蒐自是民情鎮依戀

要須勝處戒淹留

蓮池書院增葺學舍督臣奏請臨幸

因賦濂溪樂處五言八韻並課多士

保障重經雉堞修

府城向就廢墮因發帑重修今來周

視大改觀矣

徑歷城闌即郊甸露光麥氣霑迎眸

駐蹕端村

延

釐臺麓歸取便省南畿

仁祖恩今在

慈寧壽古稀煙宮宜

豫養八政慎幾微獵舫沙汀集聊將試水圍

澹對軒作

樸宇淀池上煙波對渺瀰野船間出沒水墅遠參差觸

目有如此澄心乃不期前題一再詠訝隔許多時

癸酉至今

辛巳己  
八年矣

題安福艦

水菟乃偶試畫舫却先來岸側繫楊侯明當破曉開四  
年懷散置一晌適清陪恒此南巡御安然福九垓

悅心亭二首

澹對軒前四柱亭週遭春水護芳汀蒼茫萬頃碧無盡  
村樹微分如薺青

煙意波容雅相

入聲

宜那殊甌社與菱絲會心不遠居然

遠剪綠裝春又底為

地方吏園亭植樹綴  
花反失天然佳趣矣

平陽淀水圍



圍期較畧過頭鵞

水圍率以正月杪二月初為度茲畧過期

尚聚鳧鷖此淀

多

命嚮道視圍場別淀無一禽棲止惟此淀聚有數十成以為奇

湯頌川靈茲有效由

來

祖制奉無訛應聲亂落如飄雪拾墮旋收仍菽波小試  
可哉傳罷獵當春生意戒傷和

趙北口行齋對月

三月十三日

冰鏡掛空高將圓欠幾毫星光藏碧宇燭影捲銀濤自  
是斯齋素偏欣此際遭春江花月夜麗句緬兵曹

新城行宮作

四圍臨碧水，幾樹發紅花。  
駐早因程近，尋春引興賒。  
軒亭喜淳樸，甌研總清嘉。  
一宿明當去，翻嫌此似奢。

涿鹿行三疊前韻

詰旦發新城，涿野按轡行。  
灃灃露氣重，麥穎珠光明。  
農家已期餅餌飽，我戒滿言敢。  
言好行館壁題憶，向來成  
功蕘事誠神巧，失之甚皆得之尤。

見開  
感論

旋轉總沐

天恩稠筠冲扈蹕，掄材留麟褒琅玕。  
厥貢收更復伊犁。

農事修

永濟橋

有序

范陽郡古梯航並輳燕都督亢陂遥襟帶斜聯涿  
水葺勝朝之廢軌洛疆吏以傳馨昨者鐫珉紀事  
具見大端茲焉行仗成詩重賡七字

蜿蜒長橋跨涿河重修工竣此經過多疏涵洞防秋漲  
已省洪川吸衆波萬國共球茲會極九瀛壺嶠始盈科  
輿梁亦可通為政君子名言憶勇軻

郊臺

有序

行春還赤縣才餘一舍之程卓午駐青旗載跋

三成之墀官柳依依夾路年前想解戰袍女牆疊疊緣  
階日下疑聞擗鼓上將今來裘帶雍容扈蹕同登  
豐碑昔著雅歌肅穆

升香特拜凡此竚鳶旌而屬句彌懷

帝祚延洪不忘臨虎穴以宣猷益切予心保泰

郊臺曾此勞軍迴列纛虔酬

天佑恢一歲循環真迅矣萬年景鑠實貽哉於今祇凜  
持盈念絕域寧誇拓土材耆定新疆壽善後共勤耕牧  
闢汙萊

恭奉

皇太后西巡迴鑾駐

暢春園之作

安輿虔奉祝

釐迴今歲春巡實慶哉已喜田疇麥針密又看雲送雨

絲來

是日復微雨

仙園韶景薰馨

壽域鴻禧誅蕩開

天意昭庥深感幸  
勅幾益慎凜栽培

御園暮春三首

春風驚輅省耕歸  
喜看沿途麥色肥  
上巳清明都過了  
御園花事尚芳菲

細雨輕風一漾舟  
柳稊將褪絮飛浮  
山村北遠偏宜涉  
綠水溶溶浸稻疇

韶光粲晏暮春時  
趁景言遊意更遲  
踰月豈無踈畧處  
亟臨勤政切疇咨

題繪雨精舍

森森銀竹矗煙空  
繪事東皇有獨工  
亂織素絲非後素  
即看紅杏是新紅  
峯巒入詠油雲外  
蓑笠催耕潤野中

記得棲霞駐春蹕  
山房佳致宛相同

棲霞山春雨  
山房曾有詠

納翠軒口號

假山植真樹當春亦向榮  
何必分賓主都來強與名

含清閣

湛華饒水木挹韻在琴書徑曲致因靜簷虛趣轉舒春  
秋足風月飛躍有鳶魚縱異伯夷道偶憑亦起予

橫雲堂

向日橫雲出想像今朝真箇是橫雲寧云戀岫高陵表  
幾覺衣襟合莫分時露曦光旋變黷微飄雨點更氤氲  
無厭又冀優霈霈觀過吾緣望歲慙

御園雨泛三首

三月十九日



傍晚雲容方靄霽霏空雨脚乍霽零打船薄冷誠何礙  
北地三春得鮮逢

柳綠花紅春已都一經濯沐趣尤殊拈毫真是漱芳潤  
興在江南鶯脰湖

潏沆滄池好記船一天雲意滿溪煙魚山梵唱知何處  
轉過芳隄見眼前

管道昇水墨杏花

不著胭脂意自紅誰能致訝與梅同雖無香氣饒神韻

津逮依然林下風

賦得賢不家食

得同字八韻  
會試題

尚賢天所祐濟世業方崇無取玉藏櫝有如虎嘯風闕  
明仰虞帝吐握式周公相得惟神契弗殫傾耳聰養期  
食家不交必出門同吉也拔其彙亨哉畜以通士恒資  
顯德君亦待弘功易理誰詮釋子淵頌語中

微雨

三月廿二日

邇日雨時來亦時被風遣昨晚雲色黃踊愁作霾卷入

夜報濃陰四更雨霏宛疾徐問達旦眠枕誰能穩清晨  
視階除水積土香滿度潤剛及寸罍中風作轉躑躅生  
餘惜徘徊頻仰眄

乾澤今歲美繼霈斯盡善無厭人皆然恃

愛吾未免

賦得野含時雨潤

得濃字八韻  
試翰林題

北地常含潤三春實鮮逢去年已徼倖今歲更稠穰徹  
夜雲容霽侵晨雨勢霽為煙依柳暗非雪入花茸有喜

皆知我無他總為去聲農氣清香餅餌兆吉飲殮饗民計

庶紓豫

天恩信渥濃沐茲何以答勤政勛嚴恭

于闐采玉

于闐采玉人淘玉出玉河秋時河水涸撈得瑯琳多曲躬  
逐逐求寧慮涉寒波玉不自言人盡知那曾隔璞待識之  
亦和三獻刖兩足審然天下應無玉

文徵明松陰聽瀑圖

為愛泉聲滌垢思不簪不履坐塵屨山莊曾學斯人聽  
却愧中涓供奉隨

直隸總督方觀承奏報保定得雨

迴鑒三度雨纔得寸餘滋所幸仲春霑既優足待時惟  
是稍稍風預恐期且遲孜孜為民心

皇天其鑒之前朝雨此微誰知澤南施保陽亦吾民覽  
奏為解順麥色適所見渥此應更勤農百政首祈年  
一念寅

戲題紫白丁香

同是春園百結芳，紫丁香遜白丁香。

白者香，紫者不香，故戲及之。 山

人衣好僧衣，俗鄭谷清詞趣獨長。

暮春萬壽山樂壽堂作

問

安餘暇一來遊，逾月韶光爾許稠。  
花色愛承仙露湛，柳絲偏冒惠風柔。  
生憐錦埭蜂衙簇，訝覺冰疏駒影遒。  
書圃禮園芳潤漱，雅宜小試寸田耰。

延清樓

座對西山一幀橫  
寂無塵處有餘清  
高樓漫笑忽忽去  
輸爾兼收實與名

石舫

煙舫欲登由石舫  
若為止者若為行  
金剛四句分明注  
一切無非強與名

景明樓

一隄楊柳兩湖煙  
中界高樓翼翥然  
入畫來疑到蓬閣

引舟去不限神仙雲霞流麗東西暎天水空明上下鮮  
津逮原從仲淹記與歸吾亦緬前賢

題藻鑑堂

曲抱步廊披湖園中面池虛明內外體上下水雲思此  
可通為政物來惟順施設如事察察照却有遺時

春風啜茗臺

山巔屋亦可稱臺小坐偷閒試茗杯拂面春風和且暢  
言思管仲濟時材



治鏡閣八韻

湖樓名治鏡本自鏡中治四面望無際三層迴出奇到  
須舟楫藉登便畫圖披上下鳶魚趣春秋風月思滕王  
絳州記范相岳陽詞文則彼佳矣義斯我繹之求賢惟  
矻矻勤政要孜孜無易由言鑑君難勉力為

昆明湖泛舟至玉泉山

春水今年好泛舟乘閒耐可溯源頭予心所樂不存此  
樂在千畦溉早周

育蠶種稻學江南率欲因之民務探耕織圖邊看活畫  
四明樓臺較應慙

界湖樓畔艤蘭橈明淨溪山勝賞邀踰月雖然此孤負  
還饒蓄眼物華撩

暮春玉泉山攬景

葉吐復花開春光已老哉豈非絕勝處却是不常來暗  
竇明亭側竹爐茗椀陪吾寧事高逸偶此浣詩裁

即事

大意畧觀便移步幾曾佳處鎮徜徉山靈未免還予笑  
如此尋春有底忙

登玉峯塔

八面透瓏瓏明標內外空意為身口本

佛像標身經標口塔標意出梵

典法離去聲有無中是日閒成陟三春景不窮問予喜何

在阿那麥芄芄

麗矚軒

常時最高處登塔此為低了識名何定難言物與齊將

花藤引蔓欲絮柳零梯西嶺堪緣降闌干翠靄迷

罨畫窓

肩輿取暇陟雲衢憩衆因之摘句吾那識此窓名罨畫  
分明眼底看西湖

俯青室

麗矚軒旁十笏室山巔訝似嵌巖圍俯青名實今來副  
濯雨峯姿翠靄飛

題涵漪齋

復降忽在原在原且臨水迴望玉峯塔岩堯天半矣入  
影宛波心上下空明視高齋一憑攬攬景窮其理風到  
自成文倚吟有若此

含峭居

一朶芙蓉上置居騁懷遊目總清舒黃庭設問為何境  
不是彌羅即禹餘

影湖樓

溪路通舟出水門湖樓影在水中宛不妨桂棹暫留憩

迴望山園又可論  
景向冲融理趣會  
興於上下化機存  
旋撓底較來時捷  
畧似裴家此得源

董源溪山風雨

膩雲落脚雨森森  
山色模糊樹影沉  
曲盡人情寧爾藉  
周書熟讀久關心

萬壽寺

齋居返禁庭  
孟夏言親

祀路便憩精藍

慶典圖經始松檜古益佳棟宇新斯美

萬壽叶貞符固予願所喜

廣州民楊能啟年百歲妻年一百一歲特予期頤  
偕老之扁以旌人瑞並成是什賜之

年登百歲已堪欣偕老期頤古未聞便是竇公無內子  
欲羸羅氏有夫君兒圍孫繞倡隨叶五嶺三山瑞靄氤  
四字旌閭更成詠祥徵慶典蔚

慈雲

顧懿德溪橋書屋

碧水蒼山儘可居  
溪橋之畔樹扶疎  
何當坐彼巖樓裏  
重讀廿年以上書

河南山東復得雨誌慰

迴蹕日逢微雨灑

十七日至都微雨河南山東均於是日得雨霑足今報至却看雲

色向南濃誰知齊豫均霑澤  
生我來牟普利農  
兼可耕

耘運菽穀奄觀銍艾冀秋冬

天恩今歲誠駢疊  
一喜惟深一懼從



夜雨


三月晦日

今春澤兆佳

天貺承常懔昨近每作風氣轉清且凜因虞雨其遲兆  
符乎未審祈全固若斯期美實亦甚茲日乃晦日韶光  
已苒荏卓午溫暖蒸入夕油雲淦震電忽隔窓反側聽  
欹枕踈窳徹五更問勢那安寢未明即求衣時

享益顒朕霖霖猶未止簷溜鴛瓦飲二麥定登盤百穀  
冀高廩秋成允尚遥敢即侈言稔戒滿勵若驚實政惟

懃懃



御製詩三集卷十二

欽定四庫全書

集部

御製詩三集卷十三

詳校官侍郎<sub>臣</sub>謝墉

助教<sub>臣</sub>常循覆勘

總校官原任中允<sub>臣</sub>王燕緒

校對官中書<sub>臣</sub>蔣寬

謄錄監生<sub>臣</sub>姚秉哲

欽定四庫全書

御製詩三集卷十三

古今體一百三十三首

辛巳五

孟夏有事

太廟禮成

撰日惟中朔協時逮正陽天經欽與祭世德永延昌

僉見神容對駿奔宗子襄一灣引金水

先是太廟沿明舊制戟門

外有溝橋而無水茲命引金水橋萬葉衍銀潢

之水流經橋下成河

允協形勝云

首夏承光殿

太室脩禋罷

仙園問

寢迴更衣因便路  
憇駕陟崇臺  
雨裡多清況  
風前無點埃  
研甌芳潤漱  
可以託吟裁

積水潭三首

積水蒼池蓄衆流  
節宣形勝輦皇州  
䟽淞導順植桃柳  
三里長溪可進舟

一座湖亭倚大隄兩邊水自別高低片時濟勝浮煙舫  
春樹人家望轉迷

煙中遙見廟垣紅瞬息靈祠抵滙通雨意溟濛猶未止  
出郊即看麥苗荒

德勝門外

輕輿憑攬信怡懷煙樹千村綠潤皆八景春明傳竅勝  
薊門今日識真佳

麥苗連隴秀將齊此雨多欣實可俟未敢滿言香餅餌

那無慰志慶端倪

詣暢春園問

安

雨中御園返敬為謁

思齋旋省

霄裡逮

初七日

齋三日即當

霄祭預

又當法駕排詎辭勞玉轡

懼久濶

萱階奏對煙郊況端堪悅



懿懷

御園首夏三首

雨歇輕煙戀上林  
繁紅帶潤綠方深  
予心喜在農占好  
餘事芳園耐可尋

春天多雨又稀風  
養牡丹花錦綻叢  
二十年來率未賞  
敬勤惟是凜淵衷

言欲賞花旋命罷  
憑他常侍笑空還  
政經自我久成誦  
狂聖惟爭一念間

春雨軒

丈軒號春雨雨後恰纔來謀目惟芳潤因心得靜陪菜  
畦樊問處杏埒董林材是處昔名菜圃即四十景中杏花春館也為底多吟  
緒霑膏實快哉

題自得軒紫藤花

女蘿施松上特立頗艱致獨樹見此花亭亭與他異植  
之自得軒繫予有深意表貞殊凡品扶弱成良器傳架  
引其蔓弗使衆木廁吐艷既盈庭鋪陰亦滿砌雨餘芳

潤漱自得義真契鐵中有錚錚卉譜徐宣類

藏密樓

宣尼十翼稱藏密藝祖諸門乃洞開詮易求心不求跡  
田何陽叔可能哉

稻香亭

雨滋稻町插新秧較早常年一月強苗矣秀乎秀其實  
此時敢擬即云香

繪雨精舍

繪雨偶題軒春來屢沐恩果然叶佳兆那可忘名言畫  
必稱米芾詩當屬許渾徐看霑沃野所樂固斯存

景暉樓

因迴得高樓疏前納遠疇木天思柳著

是處藝果種疏  
亭曰順木天圃

曰學圃學圃緬樊諏攬景既無盡延暉每為留舫名非屢

易漫擬誚昭州

戲題狎鷗亭

臨水孤亭名狎鷗煙波無盡任飛浮一時寓意斯可耳

尚欲招延小隱流

甘肅巡撫明德奏報得雨

邊方連歉冀連收西望那忘部屋愁去歲幸歌秋有穫  
今春益籲澤時流驛章喜報霑膏足農耒欣知趁潤脩  
兵後逢年共休息

天恩惠我獨綢繆

雩祭進宮西直門外作

來往無非事

郊壇要必親敢云已逢渥惟望繼霑頻麥壠秀誠好黍  
田長亦均三秋猶厯我一意祇勤民

復陰

復陰便冀雨復施作風又覺愁雙眉求全期善亦已甚  
自解為公非為私官家安得有私處咄哉此言更失之  
譬如我或行賞賚已獲仍求我鄙其託懷著語無倫次  
念切祈年讀可知

戴嵩騎牛圖

奇傳戴嵩牛牧人在瞳子騎背擬參差此法如何擬畫  
稱嵩畫有牛與牧童點睛圓明對照形容著目中之語  
董道謂眸子點墨僅如脫殼安能更作人牛形殊不知  
畫錄所云特以人牛相顧神光映發者言之乃不善會  
形容目中之句而復為置辯則道之泥耳

### 齋居即事

節物逮清和齋居忘念多春膏幸霑麥夏澤籲滋禾幾  
勅惟精一政齊不及過輕雲通晚布數問勢如何

### 張元舉山水

架木溪亭碧水濱俯澄何異坐船脣對談惟推煙霞賞

肯作羨魚結網人

霄祭禮成敬述

昊壇聳峙近青霄

霄典虔脩辰見朝駸假無言欽

旭卉嚴恭有恪仰

明昭歲功冀協金穰錫涼德敢稱玉燭調稠疊蒙

恩春澤美臣心益惕戒矜驕

首夏討源書屋偶題



綠陰漸滿紅點池

夏清此軒退食宜我所討源殊漁父偶同洞口捨船時

鑑遠堂

眼底空澄連萬頃鑑原由近遠還同設徒求遠翻忘近  
吾恐其間或蔽蒙

登望蟾閣

高閣聳三層乘閒此竭登望宜銀海月清擬玉壺冰片  
刻還成去一年幾度憑迴頭忽失笑五字是相應

樂壽堂得句

望蟾閣下放煙航  
徑渡山陽樂壽堂  
翠栢樹惟標古色  
碧桃花却戀春光  
四圍悅目皆仁智  
一晌會心有縹緲  
得句便教移步輦  
所無逸不為遊忙

養雲軒

到來卓午晴忽見  
吐英英越是霑膏後  
偏饒奢望生寫  
楹醞釀勢布宇卷舒情  
今歲雲真好高軒信副名

戲題聽鵬館

清和漸覺綠陰稠  
初聽林間黃栗留  
笑我本非高逸者  
雙柑何必襲風流

張則之山水

或榮青筇或理綸  
分茶看竹足怡神  
五君子不留名氏  
總是煙霞物表人

雨

四月十日  
二日

纔覺逾旬

天澤徯昨宵問徹  
好雲低清晨細點  
方成霏過午平原

已作泥二麥正資抽穗飽大田都慶吐秧齊感  
恩詎敢云圖報惟有敬勤勉日躋

雨中泛舟三首

傍暮婪絲尚纚然平湖容與漾輕船披襟一點塵無處  
惟聽鳴榔剪濕煙

問景聊乘雨墮閒落來飛瀑合潺湲樓臺真是蓬萊島  
祇在溟濛縹渺間

樹梢垂露水增流入夜寥寥勢未休寂是予心深幸處

盼來未久獲來優

橫雲堂放歌

今歲書堂初斷手  
顏以橫雲因興偶  
却是往往叶嘉占  
盛名難副茲誠副  
叶入夏雲生每作風  
已恐春膏或孤負  
昨夜濃陰喜達晨  
急靈徐霏徹夕久  
橫雲今日信橫厚  
雲配藜蒼蔚滂戶  
牖八伯興歌蹟漫  
希一犁透潤澤誠  
厚

悅霽亭

春末夏初歌悅霽十年一過信艱逢良辰美景能無樂  
戒滿撝謙益有顓

翠交軒八韻

假山植真樹歲久翠陰交甘露常承葉祥雲每壓梢瑞  
圖休鼓舞理趣喜含包不有四時運誰明六位爰隙中  
無礙遠密處自相捎未許蛛懸網惟應鵲繕巢張如碧  
油繖伴合綠瓊勺最愛微風拂琳枝颯沓敲

水村圖三首

時雨時晴首夏天插秧一月早常年水村佳景勝圖畫  
著我幾間好試船

白芷青蒲綠水涵  
槿籬茅舍學江南  
知耕亦復思知織  
桑葉初肥好浴蠶

下溪水引上溪流  
西墅煙飛東墅浮  
比似石渠同上品  
石渠寶笈藏有  
趙孟頫水村圖  
饒他活處是宜遊

賦得坦坦蕩蕩

演漾披琳沼  
豁摩敞網軒  
息躬喜疏朗  
遊目鮮囂煩  
俯

仰四臨具括包一理存無私  
叅義府順應滌情源玩物  
寧堪貴甄心畧可論嘉茲  
君子德倬彼聖人言

清暉閣詠松風

清和時節綠陰滋便是松風也  
覺怡那似常年方望澤  
聒聽謖謖蹙雙眉

駐葉爾羌大臣新柱等奏報得雨詩以誌慰

自古天方艱致雨今年還比去年優  
頻逢愷澤滋戈壁  
乃覺微涼到火州笑口于思歌樂利  
纏頭亞旅事鋤耰



關疆遠益勤民遠慰在綏豐建海陬

題玉鏤戲嬰圖

芸編在手中戲不廢研攻魚缸如置側便擬是溫公見

後錄記司馬光破甕救兒事無論小兒不能入甕然既入矣羣兒驚走其時已久必無得生之理且光時亦幼又烏能舉石破甕耶稗說承譌率不足信因並識之

王紱山水

有樹槎枒有石潺湲樂飢真可託高閒軸邁藉問為何處只在梁溪惠嶺間

玉泉山西

偶憶香山欲暫居西溝緩轡一循諸種槐  
已自蔭塗滿  
芄麥何曾見尺餘農事兆佳真慰矣

天恩盟獨祇瞿如三朝便爾偷閒往幾務仍勤敢懈予  
首夏香山靜宜園駐蹕

山容依舊好棲遲早是年餘久別之似此匆忙渾少暇  
向來構築又何為松巖翠濯新雨後藥圃紅翻首夏時  
祇合忘言斯靜坐那更得句便前移

棲雲樓

石棧縈盤萬綠叢  
山樓縱目俯長空  
晴明尚爾霑衣潤  
長史詩情想像中

海棠院戲題

棠院棠花自古今  
紅芳銷盡綠陰深  
普門親切示人句  
院即在觀音殿後莫向如來拈處尋

來青軒

遊目恰宜哉  
來青今日來  
熾然是賓主  
邈爾且追陪  
風

物清和好林嵐圖畫開年餘憶佳別安得置吟裁

栖月崖

栖月我所名曾未見月栖是謂想當然月崖兩不知因  
悟一切稱無非揣度私誰能忘象詮可與言天倪

靜室口號

靜室香山據最高每來得句興因豪昆明湖上望蟾閣  
疑是蓬萊駕海濤

夕

西近易為暮峰銜朱鳥沉清遊何必戀靜憩雅宜吟披  
隙風來颯待虛月入深所饒前度者盼提正縈心

題致遠齋

靜宜理事處顏曰致遠齋詎云寄山水因之緬茨階武  
侯有至談寧靜興我懷是地信佳矣隔歲纔一來亦不  
懈勑幾疇咨朝彥皆安邊謬謂遐晰理惟期諧一指苟  
或蔽萬幾於焉垂致遠恒在近宵旰遑徘徊

賦得智仁山水德

山水自山水智仁實智仁見之斯有謂樂者豈無因動  
處皆天趣靜常與物親出虛依峭舊入影漾連淪互妙  
渾泯迹相彰益契神憑觀師法在孰曰祇遊巡

碧雲寺

鹿苑壓崇榭雲廊開士寮一空惟寂寂

此俗所云于公寺者洗污穢為

佛宇亦不置粥飯僧乃覺清淨宜人

元著乃超超安得延僧燦猶然惡豎

刁倚欄評古蹟殷鑒在前朝

洗心亭

翠竹紅花各灑然水亭好是絕塵緣松門更有真佳處  
悅性山房可試泉

縱引吟思是靜思雲端半畝渌天池洗心並且無心洗  
妙合茲亭乃在茲

試泉悅性山房

試泉堪悅性聽我說其因淡洗六根滓靜祛十斛塵管  
絃方已俗風月卜宜鄰隨意山花採過春却見春

學古堂

卷十三  
恰復今來憩因思古與稽周書三致意魯論首曾提遜  
志時務敏崇功政不迷允懷惟矻矻未敢曰折折

雨香館作歌

谷縈峰抱千百轉竹嫩松蒼趣各單應接無暇總靜供  
今日之遊興不淺行行亦至雨香館下視一綠誰能辨  
一綠梢頭乃見遙昆明湖水當前展年來綴景頗致佳  
是吾所愧非吾善峭風下巖雲盡捲四圍晴雨霏巖嶂  
是藥文殊皆命採更當何處天花鞭聲聲色色本真空



吾亦因之萬慮遣

閱健銳營習武

健銳垂營制勤教子弟兵果然實效獲遂用大功成者  
定敢因懈詰戎益致精簡良行賞遍弧矢亦親抨

實勝寺八韻

金川昔奏績實勝葺祇園事蹟紀穹碣營規繕列屯已已

金川功成因就西山舊寺葺新之名曰實勝簡凱旋之  
旅設健銳營發帑建屋以居之勤加訓練茲西師之役  
得其力  
居多  
即今平厄魯更順定花門允藉鷹揚勇敢忘

鴻佑恩造功慶維兆嬉武戒猶存佛力恃奚可人為勉  
應去聲敦即因觀衆技便以識衷言怵惕外寧候范文有

至論

寶諦寺

鷲峰肖得文殊像構寺居之大方廣五臺所禮了不殊  
今既非來昨非往湏彌棗葉皆真容詎惟相好斯瞻仰  
無同異中有異同譬見搔癢亦生癢大士不起分別心  
流水間雲一安養

香山恭迎

皇太后來遊

安駕迎巖關清和風物閒正長欣愛日

有喜奉

慈顏鶴唱方彈楚雲衣復舞斑今年逢大慶總覺祝

如山

歡喜園

盤盤陟峻嶒精舍傍花宮縱我先憂者到茲所樂同雲

中聽野鶴松下有清風俯暢真歡喜方方綠麥花

天池一首

天池衆峭巔一泓清且泚間館據上方文石砌旁溪出水有輕儵潛躍忘所以闢萍秋月間戢鱗春風裏誰謂澗底沉乃在雲端止物固視所託慎之哉君子

再題雨香館

沈水都梁尚待薰雨香總不藉人勤更看餅餌資誰力  
吾豈聊為想像云

玉乳泉三首

嵌巖鍾乳滴淙淙  
瀉入澄潭影漾溶  
靈鼓氣機通上下  
養珠定合有神龍

山下泉猶壯雨餘  
可能對麥不欣予  
三間適構路中處  
來往人勞聽憩諸

杉松筠籜翠相交  
澗谷千盤曲且坳  
佳陰不知行近遠  
造巔下視綠雲梢

綠雲舫

山中綠已齊  
天半舫堪攜  
詎必登同李  
定知疏漏穠  
氤氳非藉筆  
沿泛不須隄  
艤棹宜何處  
武林西復西

閒

人以閒為樂  
我以閒為苦  
豈其好為異  
懼匪無逸所  
政簡固佳事  
志肆非美舉  
果遊圖暢懷  
因閒轉惴忸

山泉

處處山泉澗  
底披出山不  
見衆稱竒依  
清厭俗彼誠  
得獨善屯膏  
我弗為

竹鑪精舍烹茶戲作

竹鑪為愛僧房製精舍尋常率置旃欲擬遊山消半渴  
早看調水走中涓武文火候容誰待冷熱茶湯劑已便  
陸羽廬全却失笑茗家清供豈其然

再題靜室

誰云斯室靜來便惹吟思縱目千里際拈鬚七步時清  
風滿襟袖太古與追隨薦遇廣成子筭頭庶可期

即事

捲谷風來夏亦爽攀蘿行去望偏高不妨十步一留憩  
輿者寧忘肩者勞

試泉悅性山房

為愛山房兩度來泉聲竹色淨無埃洗心亭上心先洗  
那更消煩藉綠杯

碧照亭

六柱無十笏崑崙上若騫天池臨澈底古鏡是軒轅  
荇藻梳演漾松竹影在裏東坡張懷民未免溷彼此



翠蘿倚作屏，淶水開為鑑。上下映帶清，著我虛舟泛。  
既澄息諸慮，惟虛含衆妙。此意自古今，靜者閒來照。

曠真閣

虛自納諸峰，高還出衆樹。憑欄領新要，陟梯欣始遇。  
裴公霧盡歛，列子風常御。發蒙返其真，銍人有佳句。

臯塗精舍

巖谷深寒又避風，栽培仙植一叢叢。即看朗朗清虛府，  
金粟遲時亦月宮。

清寄軒

勝遊邨可戀香界勤政明當返御園三日駐山詩冊首  
邈然清意寄斯軒

清曉香山迴蹕玉泉山西作

佳處寧當忘返哉平明清蹕御園迴輕輿覺熱逸兼戒  
按轡乘涼興更催露氣潤猶灑曉際黍苗綠較長前來  
玉泉適可晨傳膳遇勝還須有別裁

靜益書屋

書齋秀而野路便小棲遲已是日長候況當山靜時隔  
林黃鳥喚繞砌綠蕪滋此處宜開卷寧須諫宋琪

翠匣亭

一亭納翠鎮氤氲疊巘連林蔚綠雲須識今來名易副  
可忘前此正需殷

題掛瀑簷

瀑自峰間掛松簷豪效之應知無定相所遇有餘思月  
處鏡虛拭風時練立漪康王谷簾側可似此般奇

靜緣書屋

一塵弗到六根蠲  
山色水聲俱灑然  
覓靜於斯不可得  
方知是與靜為緣

縱目

縱目香山似畫圖  
昨朝眺此畫不殊  
可知羨起乎望彼  
大都慢生於故吾  
濯濯翠巖悟開士  
方方綠麥欣農夫  
雲逕延緣採香去  
定須逢著佺喬徒

積書巖

窠室傍幽巖積書於其裏巖可擅佳名大固括小耳歲  
乃一再來枕經而昨史可因悟誨咻了識無達理戴席  
與邊笥笑蓋不如此

吳偉芝仙

水月精神土木形間行適讀罷黃庭紫芝採得何須餌  
名注丹臺骨本青

玉犬

一黃  
一白

聞說麻姑仙去後千年一吠濟陽高牽如海上公孫見

養必雲中弘景遭絕客底須誇善噬化民還擬仕生瘡  
本來原是和闌玉輯瑞聊因註旅獒

首夏萬壽寺

臚唱應明日駕還趁曉涼  
黍風輕遞爽麥露灑含光  
取便臨香域

延禧備道場長河喜水足  
遂泛溯游航

倚虹堂題句

橋畔前辛搆棟簷  
本因

登輦事莊嚴難言茅土風堪尚却視丹青色已淹今歲  
重逢大慶舉十年一度煥新瞻似茲便更新千度究亦  
吾心未覺厭

首夏承光殿

掄彥迴清禁怡情登迴臺蹟陳傳日下境美是雲來炎  
避因蒼枯雨佳致綠苔披薰惟覺愧敢曰阜民財

畝鑑室

輟水渾成畝鑑池書齋池上對偏宜漫須致誚涸堪待

且看常逢盈不虧一節之明皆自得無私而照即吾師  
設如水落原非鑑物意不留高更奇

題悅心殿

豁摩山殿俯孱顏義府優游片刻閒若問予心何所悅  
適來郊外綠畦間

四月廿五日御殿傳臚紀事

雅化作人祝

壽慈金階臚唱麗晴曦既求真學頒新制亦體常情改



近期

去歲以磨勘需日定於五月五日殿試初十日傳臚茲念多士守候時久命速行磨勘於四月廿一

日殿試廿五日傳臚

公舉不教存已見明敕還預定其辭

命讀卷昔母得

存已見俟榜後別令大臣覆勘去取同異又新定引見之例然先進其丈朕就其文定甲乙後乃令按名引見於是殿試之制簡而益備矣

西人魁榜西平後

今歲狀元陝西韓城縣人王杰國朝百年

以來乃初見也可識

天心偃武時

茂對齋

御殿更衣此憩遲宣毫江硯雅相宜可知茂對熙怡處

正是南薰長養時

枕巒亭

假山壘真石相忘以歲久四柱枕其巔風月隨所受峭  
嶺蒼崖矗傑池翠陰糾豈不在城郭居然謂林藪移情  
咫尺間濠濮夫何有

謝時臣山水

窠臼名家總不同疊峰迴出寺樓紅  
那須留白為雲氣  
林靄山嵐鎮鬱葱

漢玉辟邪璧

中規一片崑崙精玉人細刻辟邪形延吉祛惡古所稱  
土華依約葆光晶如凍梨貌壽而貞出從誰氏之佳城  
黃腸曾以伴漆燈有可欲焉終復呈孝文斲絮誠何情

賦得瑾瑜匿瑕

得清字八韻  
散館試題

瑜瑾雖希有瑕疵亦偶呈取長毋盡棄捨短要歸貞輝  
憶石初韞察休水至清德音思對菲善誘貴權衡苟得  
精磨致終看寶器成隱之略一玷揚矣獲連城鮑識管

家仲魏論陳氏平溫舒述傳語切已厘予情

端午日侍

皇太后宴並攜王大臣觀龍舟

夏節兼逢

大慶年天中無事不稱仙  
欣看麥穗迎薰實自合榴花  
分外鮮蒲宴聯情嬉有戒龍舟觀度鬪應捐呼前笑謂

于闐長

郡王霍集斯賜第京師是日並命預觀霍集斯向即為和闐部長也

投石寧湏一

顥圓

雨五月初  
六日

一夜風聲枕上吹情知無雨雨其宜詎期霖霖銀筠織  
正喜菁蔥玉黍滋稠疊

天恩欣越懼循環民計度還思夏雲卓午晴尤好麥穗  
千疇曬粒時

即事

昨朝劇炎今日爽炎因蒸雨爽雨墜麥穗黍苗俱合宜  
天恩今歲真優被街頭鬻餅大於前無之價更落一錢

困者自咎居奇失及時出糶相爭先壟斷誠有賤丈夫  
農慶其術安施乎所以乾乾厯祈歲化民成俗無多  
事

題文徵明贈王穀祥東坡詩意圖即用其韻

作輟八年歷食眠京華吳下幻江煙

二句見徵明識語中

祿之設

問停雲事依舊波含碧落天

賦得五月鳴蜩

得清字八韻  
朝考題

散步芳隄上如簧乍弄聲初聞未慣耳徐繹頗含情好

雨無逾節知時速化生幽風曾叶什月令善窺衡但鼓  
脇為響寧騰口浪鳴以旁真是別雖噪不離清駱詠且  
須待江脩信致精寒蟬何足取即事慎揚明

復雨

五月初  
八日

前日雨已二寸滋高原接潤下隰泥午霽恰喜宜曬麥  
禾黍怒生秧綠齊此時雨弗雨皆可未免盡善望殷我  
午映雲作復霈膏徐徐疾勢絲墮不期而獲感益深  
匪今伊昔今斯今入夕溟濛猶未止更思明曉時晴美

雨中泛舟

煙歛風吹試漾舟不多時復冷絲浮黃頭漫慮筠蓬濕  
漉漉霏霏正好遊

岸轉溪村到始知秧齊綠稻正含滋水車罷轉茅亭靜  
便是吳牛意亦嬉

理事

宮庭曰御門園林曰理事無日弗疇咨愛禮存羊意黃  
閣承絲綸綠籤引郎吏何務不宜慎況此勅幾際宿雨



快新晴廣廈無暑氣祈農有佳象籌遠罷嚴備戒滿以  
為惕敢曰逢時瑞

題黃公望山水

野閣虛支流水上飛泉遙落白雲中老翁八十猶軒輿  
見大癡  
自識語筆力應然積健雄

再題廓然大公八景

雙鶴齋

詎是尋常戀稻粱仙禽雅合駐仙鄉形容不擬輕為賦

明遠佳辭已擅場

規月橋

枕岸看如上下弦影波原見一輪圓是為規月是真月  
照徹三千與大千

峭舊居

孰謂真山是假山亦看峭舊亦孱顏設如放眼觀環海  
泰岱嵩高泰米間

影山樓

樓俯清波波影山文窓  
裴几稱高間是憂勤匪  
高閒者祇覺慙然於此  
間

披雲逕

靄靄英英曲逕循乍開  
當面聳嶙峋霑衣不識  
緣何故長史清詩妙契  
神

綺吟堂

美景良辰奚遣興鋪箋  
點筆每敲吟是予結習  
非予善要亦不因此放  
心

韻石淙

石將水本寂然物韻出無端兩相入聲遭一切有為法如

是心源定處不生濤

啓秀亭

水木澄華竹石清于于屨步足怡情如從六藝漱芳潤  
先獲我心是士衡

湛清華軒

水木清華處軒楹秀野間抽書帷汲古搜句亦消閒梯

浪鷗朋聚構巢燕子還邇來晴雨若茂對得怡顏

靜娛書屋

潔治書廬纔兩間  
寂欣開戶見青山  
靜娛偶取佳名耳  
一日萬幾安得閒

湯泉蓮花

泉溫地氣溫  
花窖焙堪擬  
蕤賓蓮放葩  
六月春光美  
護芳勤苑吏  
獻新忙內使  
膽瓶作清供  
因之思物理  
雖云熱中屬  
不失為君子

雨

五月十四日

麥將報熟晴云可木正發生雨實佳間露陽光宜曬穗  
又霏膏澤喜滋茲似茲

天意如人意益切惕懷勝慰懷都道今年逢大慶明知  
鴻貺為

思齋

和聞玉輅

嵩高五萬聳崑崙玉子叢生玉水源因琢精璆厥貢篚

用成圓鞞此闔弭閉關未可學光武勝敵聊如識叔孫  
馭遠詰戎服海表不忘记卽箇中存

暮雨

五月望

暮雨滋禾隴午晴曠麥田真成時若歲益感好生  
天響入銅壺靜祥調玉燭宣殷勤還自問何以答  
皇乾

題沈周漁翁簑頭

摸索青竹籃得魚供牯鱗是中多隱人而何欲逐逐

口銜綠葦枝將以穿魚腮船泊前溪曲曹騰歸去來

御製詩三集卷十三